

Na osnovu Zakona o zaštiti od požara i vatrogastvu («Sl. Novine Federacije BiH broj: 64/09), i člana 158. Pravila JU Treća gimnazija Sarajevo, Školski odbor na sjednici održanoj 25.05.2011. godine donosi :

## **PRAVILNIK O ZAŠTITI OD POŽARA**

### **I - UVOD**

#### **Član 1.**

Pravilnikom o zaštiti od požara i obezbjeđenju objekta (u daljem tekstu: Pravilnik) reguliše se otkrivanje i sprečavanje opasnosti od požara i drugih oblika ugrožavanja ljudi i materijalnih sredstava te obezbjeđenje objekta i lica.

#### **Član 2.**

Pravilnikom su obuhvaćeni:

- **ZAŠTITA OD POŽARA:**
  - Procjena ugroženosti od požara
  - Organizacija i mjere zaštite od požara
  - Način sprovođenja mjere protivpožarne zaštite
- **OBEZBJEĐENJE OBJEKTA:**
  - Fizičko obezbjeđenje
  - Materijalno obezbjeđenje
- **ODGOVORNOST:**
- **PRIJELAZNE I ZAVRŠNE ODREDBE**

### **II ZAŠTITA OD POŽARA**

#### **Član 3.**

Zaštita od požara obuhvata skup mjera i radnji upravne, organizacione, tehničke, obrazovne, propagandne prirode koje se preduzimaju u cilju sprječavanja izbijanja i širenja požara, njegovog otkrivanja i gašenja, te spasavanja ljudi i materijalnih dobara ugroženih požarom.

Zaštita od požara organizuje se i sprovodi u cijelom objektu škole i svim mjestima koja su izložena opasnostima od izbijanja i širenja požara.

#### **Član 4.**

Škola je dužna da u cilju obezbjeđenja organizacije i ostvarivanja zaštite od požara stavi na raspolaganje sva potrebna sredstva i raspoloživo ljudstvo, a u skladu sa svojim mogućnostima i sredstvima koja obezbjeđuje Ministarstvo obrazovanja i nauke Kantona Sarajevo.

#### **II - 1 Procjena ugroženosti od požara**

Izvor opasnosti podrumskih prostorija predstavljaju: plinske i električne instalacije, tečno gorivo, pod i zidovi su od negorivog materijala (do 2 sata gorenja), a u podrumu su odloženi predmeti i materijali koji mogu biti izvor početnog požara.

Izvor opasnosti u prizemlju i spratovima su: elektroinstalacije i drvene površine (patos, vrata, prozori i inventar u prostorijama).

Izvor opasnosti za cijeli objekat škole predstavlja i atmosfersko pražnjenje.

#### **II - 2 Organizacija i mjere zaštite od požara**

#### **Član 5.**

**Mjere zaštite od požara su:**

- ◆ Način korištenja prilaznih puteva i prolaza
- ◆ Obezbjeđenje potrebnih količina vode i dr. sredstava za gašenje požara
- ◆ Zabrane upotrebe otvorene vatre i dr. izvora paljenja u školi i prostorijama u kojima bi moglo doći do požara
- ◆ Način spasavanja ljudi i materijalnih dobara
- ◆ Postavljanje uređaja za gašenje požara i sprečavanje njegovog širenja
- ◆ Način obavještanja o požaru
- ◆ Održavanje i kontrola ispravnosti instalacija

#### **Član 6.**

Svi putevi i prolazi u zgradi moraju imati dovoljnu propusnost i biti na siguran način zaštićeni od vatre i dima.

#### **Član 7.**

Obezbjeđenje vode u školi vrši se putem prateće opreme za svaki sprat posebno. Druga sredstva za gašenje požara moraju biti obezbjeđena u skladu sa ovim Pravilnikom.

**Član 8.**

Ovim pravilnikom se zabranjuje upotreba otvorene vatre i drugih izvora paljenja u školi i prostorijama u kojima bi moglo doći do požara, izuzev prostorija predviđenih za to.

**Član 9.**

Način spašavanja ljudi i materijalnih dobara vrši se na način predviđen planom za vanredne prilike škole.

**Član 10.**

U slučaju izbijanja požara zaposleni i učenici se obavještavaju putem razglasa i signalnog uređaja.

**Član 11.**

Protivpožarni aparati, plinske i elektro instalacije moraju se redovno servisirati i održavati u skladu sa zakonskim propisima zaštite od požara.

**Član 12.**

Za gašenje elektro instalacija i tečnog goriva u kotlovnici moraju postojati sljedeća sredstva: 2 aparata S6, jedan m<sup>3</sup> pijeska i 1 aparat CO<sub>2</sub>. Za gašenje plinskih instalacija potreban je 1 aparat CO<sub>2</sub>.

Kontrolu dimovodnih kanala potrebno je vršiti prije početka grejne sezone.

**Član 13.**

Na svakom spratu od prizemlja do tavana moraju biti postavljena po 2 aparata S6 i 1 aparat CO<sub>2</sub>.

**II 3 NAČIN PROVOĐENJA MJERA PROTIVPOŽARNE ZAŠTITE****Član 14.**

Kroz nastavni plan i program učenici moraju biti upoznati sa mjerama protivpožarne zaštite i postupcima u slučaju izbijanja požara.

**Član 15.**

Svaki zaposleni koji primjeti požar, dužan je da pristupi njegovom gašenju ukoliko to može učiniti bez opasnosti za sebe ili drugoga. Ukoliko se početni požar ne može ugastiti obavještava vatrogasne brigade Kantona Sarajevo.

**Član 16.**

U slučaju izbijanja požara u kotlovnici škole obavezno se obavještavaju vatrogasne brigade Kantona Sarajevo.

**Član 17.**

Zaštitu i skladištenje tečnog goriva koje se koristi za zagrijavanje prostorija vršiti u skladu sa važećim propisima.

**Član 18.**

Zone opasnosti izbijanja požara moraju biti označene na vidnom mjestu.

**Član 19.**

Škola je dužna vršiti konstantnu kontrolu i održavanje ispravnosti gromobranske instalacije.

**III OBEZBJEĐENJE OBJEKTA****Član 20.****Obezbjedenje objekta sprovodi se:**

- ◆ Fizičkim obezbjeđenjem
- ◆ Materijalnim obezbjeđenjem

**III - 1 Fizičko obezbjeđenje****Član 21.****Fizičko obezbjeđenje objekta podrazumijeva:**

- ◆ Organizaciju i način obavljanja poslova i zadataka radnika na obezbjeđenju objekta
- ◆ Organizaciju i način obavljanja dežurstava učenika, nastavnika i ostalih zaposlenih
- ◆ Kontrola ulaska (izlaska) u i iz zgrade i vođenje evidencije
- ◆ Korištenje učionica, kabineta, laboratorija i ostalih školskih prostorija
- ◆ I druga pitanja vezana za rad i održavanje objekta

Pitanja iz prethodnog stava regulisana su Pravilima škole, Pravilima o kućnom redu, Pravilnikom o organizaciji radnih mjesta i drugim općim aktima škole. Fizičko obezbjeđenje objekta vrši se u saradnji sa predstavnicima MUP-a Kantona Sarajevo i Vatrogasne brigade Kantona Sarajevo.

### **III - 2 MATERIJALNO OBEZBJEĐENJE**

#### **Član 22.**

Škola je dužna da svu školsku dokumentaciju i evidenciju čuva na način predviđen Zakonom, Pravilnikom o dokumentaciji evidenciji o srednjoj školi, Pravilima škole i drugim općim aktima.

U tu svrhu koriste se: limeni ormari, (sekreterijati i kotlovnice) kasa (računovodstvo), zbornički ormar sa pretincem za odjeljske knjige koji se drže pod ključem i drugi ormari i vitrine po kabinetima koji se zaključavaju.

Svi kabineti, laboratorije i sale se po završetku nastave moraju zaključavati i obezbjeđivati na način predviđen Pravilima o kućnom redu škole.

#### **Član 23.**

Objekat mora biti opremljen sistemom za automatsko uzbunjivanje centra za obavještanje i uzbunjivanje Kantona Sarajevo ili sa noćnim čuvarima imajući u vidu važeće propise i finansijske mogućnosti škole.

Jedan od vidova zaštite objekta predstavlja instaliranje aparata na telefonskoj centrali škole (najfrekventnija linija) kojom se vrši otkrivanje raznih dojava, a povezano je sa PTT-om i MUP-om Kantona Sarajevo.

### **IV ODGOVORNOST**

#### **Član 24.**

Za sprovođenje odredaba ovog Pravilnika odgovoran je direktor škole. Svi učenici i zaposleni moraju biti upoznati sa odredbama ovog Pravilnika, za što su odgovorni:

- ◆ Direktor
- ◆ Pomoćnik direktora
- ◆ Pedagog škole
- ◆ Razrednik

Obavještavaju se putem oglasa na oglasnoj ploči za zaposlene i drugi prigodan način.

#### **Član 25.**

Svako neizvršavanje obaveza regulisanih ovim Pravilnikom reguliše se Pravilnikom o disciplinskoj odgovornosti zaposlenih, učenika i dr. općim aktima usklađenim zakonom.

## V PRIJELAZNE I ZAVRŠNE ODREDBE

### Član 26.

Pravilnik stupa na snagu narednog dana od dana donošenja.

### Član 27.

Danom donošenja ovog Pravilnika prestaje da važi Pravilnik o zaštiti od požara broj:128-A/03 od 29.04.2003. godine .

PREDSJEDNIK ŠKOLSKOG ODBORA

---

Dr.Čović Ranko

Broj:194-A/11  
Sarajevo,26.05.2011.godine